

**ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ԳԵՐԱԳՈՅՆ ԽՈՐՀՐԴԻ  
Հ.Յ.Դ. ՖՐԱԿՑԻԱՅԻ ԱՌԱՋԱՐԿՈՒԹԻՒՆԸ ԱՐՈՒԱԾ  
ՀՀ ԳԵՐԱԳՈՅՆ ԽՈՐՀՐԴԻ ԵՐԿՐՈՐԴ ՆՍՏԱՇՐՋԱՆԻ  
ՅՈՒՆԻՍԻ 5-Ի ՆԻՍՏՈՒՄ**

Հայաստանի ներկայ վիճակը բնորոշում է.

1.-Տնտեսական լուրջ ճգնաժամով, որը բարելաման փոխարեն հետզհետե անելի սուր բնոյթ է ստանում:

2.-Քաղաքական ճգնաժամով, որը յատկանշում է կենտրոնական իշխանության նկատմամբ դրսևորած, յաճախ ինքնանպատակ դիրքորոշումներով, Արցախեան հարցում անվճռական քաղաքական վարքագծով եւ, ընդհանրապէս, քաղաքական պահին շհամապատասխանող նախաձեռնութիւններով, ինչպէս նաեւ՝ Խորհրդային Միութեան նկատմամբ միջազգային ուժերի որդեգրած դիրքորոշման սխալ պատկերացմամբ եւ այդ դիրքորոշման՝ Հայաստանի ներկայ իրականութեան հետ ունեցած աղերսների ոչ ճիշտ գնահատումով:

3.-Հայաստանի Հանրապետութեան բնակչութեան սոցիալական եւ իրաւական պաշտպանութեան համակարգերի լուրջ թերութիւններով:

4.-Տնտեսական-քաղաքական այս ծանր կացութեանը դիմագրաւելուն ուղղուած Հայաստանի պատասխանատու շրջաններում բազմակողմանի ուսումնասիրուած, յստակ ծրագրի բացակայութեամբ:

Արդ, ամեն օր էլ անելի խորացող ճգնաժամի լուծումը, այս հանգրուանում, հեռահայեաց մի ծրագրի մշակման առարկայ չի կարող հանդիսանալ: Այլ՝ ներկայ սուր ճգնաժամի յարուցած պայթունավիճակ վտանգը մեր ժողովրդի գլխից հեռացնելու հարցն է, որ հրատապ է, որպէսզի անցումային բնոյթ կրող մօտեցումով ժամանակ շահուի, եւ ապա, հետագայում, անելի հիմնական միջոցների մասին մտածելու հնարաւորութիւն ստեղծուի:

Ուստի, ներկայ առաջարկութիւնները պարզապէս իրավիճակը մեղմացնելու նպատակ են հետապնդում: Հետագայում մենք պատրաստ կը լինենք ներկայացնելու Հայաստանի արտաքին քաղաքականութեան, ինչպէս նաեւ տնտեսական ճրգնաժամից հանրապետութիւնը քայլ առ քայլ դուրս բերելու մի հիմնական ծրագիր:

Առաջարկում ենք.

1. Կենտրոնական իշխանութեան ներկայ վերաբերմունքը Հայաստանի եւ Արցախի նկատմամբ վերացնելու նպատակով վերջ տալ առճակատման ռազմավարութեանը եւ բռնել երկխօսութեան ուղին:

2. Բոլոր պայմաններում, կազմել յետ-ռեֆերենդումեան քաղաքական-տնտեսական յատուկ ծրագիր, որի մէջ ներկայացուած կը լինեն հայ ժողովրդին սպասող իրավիճակին եւ տնտեսական կացութեան ռեալ եւ առարկայական կարելիութիւնները՝ հեռու տեսական ենթադրութիւններից:

Անգիջում կերպով եւ հետեւողականօրէն հաւատարիմ մնալով Անկախութեան գաղափարին՝ հանրաքուէի անցկացման ժամկէտը պայմանաւորել այդ ծրագրով:

3. Արցախի հարցը բարօք ընթացքի մէջ դնելու պահանջով գործնական քայլեր ձեռնարկել, որպէսզի.

ա. Հայաթափուած շրջանները՝ Գետաշէն, Մարտունաշէն, Բերդաձոր եւ Հադրութի գիւղեր, վերաբնակեցուեն բռնի կերպով տեղահանուած արցախցիներով,

բ. Արցախի ժողովուրդը հնարաւորութիւն ստանայ ժողովրդավարական իրաւունքով՝ ինքը ճշտելու իր հարցի լուծման ուղին:

4. Յիշեալ խնդիրների իրագործման ճանապարհին, ինչպէս նաեւ Արցախի հայութեան մարդկային իրաւունքների պաշտպանութեան համար օգտագործել պետական բոլոր կարելիութիւնները եւ համահայկական գորակցութիւնը:

5. Բանակցութիւններ վարել համապատասխան շրջանակների հետ՝ քննելու կարելիութիւնները ամենից նպաստաւոր այն դրուածքի, որի շնորհիւ, ներկայ փուլում, Հայաստանի մասնակցութիւնը գերիշխան հանրապետութիւնների միութեանը ընդունելի կարող է լինել հայ ժողովրդի համար եւ շհակասել Անկախութեան գաղափարին: